

## Hobelspän 2023

<https://hobelspaeneblog.wordpress.com/>

### E wysse Ballon

Es wysses Ding über dr USA,  
Im Pentagon eis Gross-Drama,  
Jetzt singt si i ihres Mikrofon,  
nöi vo «98 Luftballons».

### China

I rede mir scho länger i,  
dass er nid blöd isch, dr Diktator Xi,  
So i d'Schissi rittet sich nur e Clown,  
oder dr Putin mit dr Spezialaktion.

### Grün u grüner

Lidl u Aldi tü Veganer zweni versta,  
die wei jederzyt e Avocado ha,  
Migros und Coop hingäge voll bio,  
Beschaffe das Züg us Mexiko.

### Netflix und Co

Agfange hani mit DVD u Video,  
bi schliesslich o zum Streaming cho,  
wosch aber konkret öppis luege bisch agschmiert,  
gnaue dä Stream hesch nid abonniert.

### Anders

Dragqueens stelle doch ke Gfähr  
für alli üsi Chinder dar,  
Hingäge wüsse d' Österricher,  
anders ischs bim Freiheitstrychler.

### Credit Suisse

Als Bruef git är a, Stripper ire Bar,  
Das isch leider einfach nid wahr,  
Er lügt, denn är isch unglücklecherwys  
Top-Manager bir Credit Suisse

### Pandemieändi

Wäg si d'Maske, Wäg d'Massnahme.  
Wäg dr Rimoldi mit sine Drame,  
Ds Pandemieändi wäri wunderbar.  
mir micht es no em Virus klar.

### Ufgabe

GPT-3 seit de Eltere nid viel,  
für Schüler si Ugabe jetz es Chinderspil,  
gisch I dr Titel u voilà,  
hesch dr Ufsatz gschribe gha.

## Das Wunder von Bern

Bim Plauschmätch het er chli mit em Stock umegrührt,  
u het so guet wi ni dr Pöck berührt  
Dr Coach ar Bande het's sofort gseh,  
dä passt ganz gut zum SCB.

### Hesch mer e...

Wett alli Leaks im Bundeshus wosch stopfe,  
o di wo us dr Ermittlig usetropfe,  
de musch jetz dringend dafür Sorge,  
dass tuusig Ermittler dir chasch borge.

### Rebranding

Bi Twitter zeigt är sys Genie,  
Teslas Börsechurs bricht o i,  
gändert het er o si politisch Ton,  
und mutiert dadurch zum Murks Elon.

### Fussball

Vorstoss hi u Offsidefalle,  
mit em Konter eine ga ine knalle,  
Doch es si nid d'Spiller so hert u schnäll,  
sondern d'Aktionär vom FCL.

### Zweierlei

Aus Buchhalter würdisch schnäll entsorgt,  
wet 2/3 vom Gwinn permanent hesch dr borgt,  
Bir Pensionskasse längt d'Finanzindustrie,  
gnaue so dick mit ihrne Töpe dri.

### Haarscharf

1814 het me in Wien überleit,  
öb d'Schwyz nid würdi besser ufteilt  
als Argument het schlisslich Ussschlag gäh,  
nimer het wölle d'Zürcher näh.

### Der neue Breitsch

Jahrelang Lärm, Dräck u äs staubt  
u e Bohrer wo dr Schlaf eim raubt,  
es isch wunderschön worde, würd i meine  
dank de vegane Bio-Granitrandsteine.

### Motiv

TA u AZ schiesse gäge Blick,  
Schutt um Schutt u no e Kick  
Ds ächte Problem isch, jedi wett,  
Dass dr Berset nid isch, mit ine ids Bett.

Unterstützt Suisse Santé Haïti

IBAN: CH15 0900 0000 2501 4357 3

<http://suisseantehaiti.ch>

Suisse-Sante-Haiti (SSH) bietet rund 50'000 Menschen im  
Artibonitetal Haiti eine für sie lebenswichtige medizinische  
Grundversorgung an.